



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tora nevi'im u-ketuvim

Leusden, Johannes

Amstelodami, 1667

Judicium Allardi Uchtmanni Linguæ Sanctæ Professoris in Academiâ
Lugdunensi, De novâ hâc Editione Bibliorum Hebraicorum.

urn:nbn:de:hbz:466:1-39406

Judicium Allardi Uchtmanni

Linguae Sanctae Professoris

in *Academia Lugdunensi,*

De novâ hac Editione Bibliorum Hebraïcorum.

Lector benevole S.

QUANTUM VINUM vendibili non opus sit suspensa hedera, probaque merx emtorem sponte alliciat; ne tamen amatoribus sacrarum literarum studiosis ignotum sit, quid in iterata hac editione Hebraici Codicis, ab eximio Typographo Hebræo *Josepho Athia*, præstitum superadditumque sit: quo nomine præ reliquis maximè commendabilis, & ad lectionis usum etiam aptius concinnata, in lucem denuo prodeat, breviter sic habeto. Præter capitum, lemmatumque, & versuum accuratam distinctionem, argumenta in super & summulas Latino idiomate in margine adjunctas, lectionis memoriæque subsidio: diligenter quoque passim punctationis rationem notatam, observatamque; è Masora, eximio utilique lectoribus compendio atque adjumento, quod in accuratioribus etiam editionibus hætenus desideratum. Reliqua autem ipsius operis quod attinet, quantum diligenti pro temporis angustia consideratione observare mihi licuit; deprehendi neque labori indefesso, neque emendationis sumptibus parvum, si quid forte in illo erratum admissum esset: quodque limatius correctiusque prodiret, accuratam ubique curam, & exactam diligentiam adhibitam, non modo in literarum apicumque seu punctorum, sed in accentuum quoque omnium debita constitutione. Ita equidem Lector ut tam fidere huic exemplari citra hæsitacionem tutoque possis, quam illo ad commodum tuum uti, si visum fuerit: quo ut diligentius etiam utaris, stimulo tibi atque invitamento hæc quoque occasio esse debet. Hoc qualecunque novi operis suffragium, Typographi debitum diligentiae ac dexteritati, bono publico inservire satagentis; idque ad rei veritatem testandam, non invitum à me impetrari passus sum. Tuum erit, Lector Benigne, ut illo ad utilitatem tuam fruaris.

Scripsi Lugduni Batavorum, Prid. Idus

Maijæ, Anno MDCLXVII. Allardus Uchtmannus
Linguae Sanctae Professor.